



Fru Ruth Heilmann,
Tamassa

Maniitsumi aluminiumik suliniummut tunngatillugu § 37 naapertorlugu apeqquut nr. 093-imiittunut akissutit

Intasisartut suleriaasianni § 37, imm. 1 naapertorlugu Maniitsumi aluminiumik suliniutip killiffianut tunngatillugu Naalakkersuisunut apeqquutillimisavutit. Apeqquutit suliasaqaarfisannut akineqartussanngorlugit unnersuussutaapput.

25. april 2014
Sagsnr. 2014-096908
Dok. Nr. 1558063

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.naalakkersuisut.gl

- 1. Nunatsinni suliffeqarfissuassaq aluminiummimik aatsitsivissaq Alcoa Maniitsup eqqaani inissineqartussaq ukiuni arlalinnngortuni utaqqisarput Inatsisartunillu Naalakkersuisunut sulissutigineqaqqusaasoq maannamut tusarsaanera ersigunnaaraluttuinnartutut immat Naalakkersuisut sulisutigalugu sumut killiffeqartippaat?**

Akissut:

Namminersorlutik Oqartussat aamma Alcoap akornanni isumaqatiginninniarnepup ingerlaneranut naatsumik tamanik takussutissiissut.

Alcoalu isumaqatiginninniarnepup 2005-imi aallartippup. Alcoap aamma Naalakkersuisut akornanni 25. august 2007-imi Memorandum of Understanding (MOU) atsiorneqarpoq. MOU Alcoap aamma Naalakkersuisut akornanni isumaqatiginninniarnepup pillugit sinaakkutaasimavoq.

2012-imi Alcoalu sivisunerusumik isumaqatiginninniaqattaarnerit naammassineqarput. Isumaqatiginninniarnepup kinguneraat sammisat apeqquutillu arlallit, isumaqatiginninniarnepup ingerlateqqinneqartussami paasiniarneqartussat suussusersineqarneri.

Siunertamut tassunga Inatsisartut aalajangiussassaannik siunnersuummik saqqummiussiffiqineqarput, Alcoap aamma Naalakkersuisut akornanni isumaqatiginninniaqqinnissamut pingaarnertut tunngavigisassat sinaakkutissatullu piumasaqaatit isummerfigineqarlutik. Tassunga inaarutaagallartumik naggasiutitut 2013-ip naanerani suliniutinut angisuunut inatsit inaarutaasumik akuersisutiqineqarpoq.

Isumaqatiginninniarsinnaatitaaneq

Naalakkersuisut 2013-imi isumaqatiginninniarnepup takkuttussanup sinaakkutissatut piumasaqaatit UKA 2012/113-imit Inatsisartut aalajangiussarsisaannik tunngaveqartut akueraat.

Inatsisartut aalajangiussinerisa 2012-imi Alcoap aamma Naalakkersuisut akornanni isumaqatiginninniutaasuni suliniummut tunngavigisat apeqquutillu arlallit annertuumik pingaaruteqartuusutut isigineqartut isummerfigai. Tassalu pingaarnertut sammisat sinaakkutissatullu piumasaqaatit makku:

Kalaallit Nunaannut atuuttut naalagaaffimmit nunat allamiunut inatsisaasup

suliniutinut angisuunut inatsimmit malitsigisatut naleqqussarnissaa tassaavoq sinaakkutissatut piumasaqaatit paasiniarneranni suliassani immikkoortut kingullersaat. Suliniutinut angisuunut inatsiserpiaq suliaq naammassigaluartoq inatsisilerinermi ingerlatassat tamakkiisoq suli inaarutaasumik naammassineqarsimasutut oqaatigineqarsinnaangilaq, Kalaallit Nunaannut atuuttut nunat allamiunut inatsisaasumik naleqqussaaneq suli naammassineqangimmat. Tassunga atatillugu angisuunik suliniutini sanaartornerup naalaani suliffeqarnissamut akuersissutit pillugit inatsisissatut siunnersuummik Kalaallit Nunaannut atuutsitsilernissaq pillugu oqaaseqaateqarnissamut tungatillugu oqaluuserisassatut immikkoortumik kingusinaartumik nalunaaruteqarneq Inatsisartut akuerisimavaat.

MOU-ip killiffia

MOU aqquasaagassanut pingasunut immikkoortitigaavoq. Aqquasaagassat ataasiakkaat naammassinerini suliniutip ingerlateqqissanera imaluunniit taamaatiinnassanera pillugu aalajangiisoqartassaaq. Isumaqaatiginninniarnernut killiffik tassaavoq illua'tungeriit aqquasaagassat aappaannik naammassininnialernerat.

Aqquasaagassat aappaanni teknikkikkut ilanngussuutinik misissueqqissaarinerit arlalit amigaataapput, kiisalu avatangiisunut tungatillugu misissueqqissaarinerit arlalialuit, aammalu VVM-imik (Avatangiisinut Sunniutaasussanik Nalilersuinernik) pilersaarusernerup aallartinneqarnissaa. Aqquasaagassat aappaannik naammassinninneq pisariaqartitatut misissueqqaarinerit imatut naammassineqarsimanerini kinguneqassaaq, suliniut aqquasaagassat pingajuannut ikaarsaariarsinnaalerluni, isumaqarluni suliniutip piviusunnogrtinniarnernut piviusorpalaarnerusunik suliniutinik aallartisaanernik. Aqquasaagassat aappaata pingajuatalu akornanni ikaarsaariarnermi illua'tungeriit tamarmik suliniut aqquasaagassat pingajuannut ingerlateqqissaneranik imaluunniit suliniutip taamaatiinnassaneranik aalajangiissapput.

Kalaallit Nunaa pingaarnerusuni tamani aqquasaakkat aappaanni suliassaminik naammassinnippoq, taamaallaat qulaani pineqartutut nunat allamiunut inatsisip aamma erngup nukissiornermut inatsisip naleqqussarnissaat pinnagit.

Ingerlaqgeriarnissaq pillugu Namminersorlutik Oqartussat Alcoalu ataveqatigiittuarput, naatsorsuutigineqarporlu maajip naanera sioqqullugu Alcoalu ataatsimiinnerit tulliat ingerlanneqarsinnaassasoq. Maannakkut pingaarnertut sinaakkutissatut piumasaqaatit paasinerisigut suliniummik naliliiniarnermikk Alcoa nalunaaruteqarsimavoq. Tassunga atatillugu suliniutinut angisuunut nunat allamiunut inatsisaasup allanngortinnissaa pillugu Danmarkimi oqallinnermik pisunik malittarinninnerminik Alcoa aamma nalunaaruteqarsimavoq.

Aqquasaakkat aappaata naammassineqarnissaata tikinnissaa Naalackersuisut assut pingaartippaat.

Sivisunerpaamik qaammatit aqqaneq-marluk iluini aqquasaakkat aappaata paasineqarsimanissaanik Naalackersuisut anguniagaqarput. Aqquasaakkat aappaata naammassinerata nassatarissavaa pisariaqartitatut misissueqqaarnerit naammassineqarneri pillugit isumaqaatigiittoqarnera, imatut ilusilimmik suliniut aqquasaakkat pingajuannut ikaarsaariarsinnaalerluni, tamannalu isumaqarpoq suliniutip piviusunnogrtinnissaanut piviusorpalaarnerusunik suliata aallartisaanissaannik.

MoU-imi aqquasaakkat aappaata qaammatit qulingiluanit aqqaneq-marluk ingerlaneranni naammassineqarsinnaasariaqartoq Naalackersuisut isumaqarput. Aqquasaakkat aappaata pingajuatalu akornanni ikaarsaariarnermi suliniut aqquasaakkat pingajuannut ingerlateqqissanersooq imaluunniit suliniut unitsinnarneqassanersooq illua'tungeriit tamarmik aalajangiussissapput.

2. **Suliassap qanoq suliarineqarnera ingerlava?**

Akissut:
Qulaaniittut unnersuussutaapput.

3. **Pilersaarut qaqugu piviusunngortinniarneqarpa?**

Akissut:
Qulaaniittut unnersuussutaapput.

Inussiarnersumik inuulluaqqusillunga
Med venlig hilsen



Jens-Erik Kirkegaard